



53159

kat.komp.

I

Mag. St. Dr.

P

Lawbi: Quæstio logica
de accidente communi, prædicabili

Biblioteka Jagiellońska



stdr0005529

A. M. D. G.

QVÆSTIO LOGICA,

DE

ACCIDENTE COMMVNI, PRÆDICABILI,
S V B

Felicissimis Auspicijs,

Magnifici, Clarissimi, & Excellentissimi Dñi.

D. M. FRANCISCI
ROLINSKI,

Philosophiæ, & Medicinæ Doctoris ac Professoris, eiusdemq;
Facultatis Decani, Consulis Cracouiensis & in Alma
Vniuersitate Cracouiensi; Studij Generalis

R E C T O R I S.

7 N

Peraugusto, Diuorum Iagellonum, Lyceo,

Publicæ disputationi,

A

M. IACOBO BALTAZAROWICZ Ph. D. S. C. G.

P R O P O S I T A.

Anno à Partu Virg. Millesimo Sexcentesimo Quinquagesimo
Octauo. VII. Idus Septembris.

F N
S T E M M A
ALMÆ ACADEMIÆ CRACOVIENSIS.



53159
1

Quâ ratione, queas Academica tangere Sceptra
Inuidia! an Diuûm, hæc Arma, fauore carent?
Crux fugat, Anna beat, Iagello ac Hedwigis orant;
Supplicibus Votis, CANTIVS ingeminat:
Omnipotens Genitor! Iagelonica Sceptra gubernes!
Conseruans Patriæ, tuta, serena, diu.

IOANNES CANTIVS NIEWIAROWSKI,
Studioſus Eloquentiæ.



CHARISTERIA

DIVO PATRIARCHÆ

IOANNI
CANTIO,

Regulæ, ac Firmamento

ACADEMIÆ.



*Emerarius certè, ne dicam, impudens
essem: si auderem, in celeberrimæ Matris
Academiæ, cuius Tu Diue Patriarcha,
splendidissimum lumen & columen es,
nomen augustum inuolare; aut sine Tuis
auspiciis usurpare. Quotquot enim
iam inde à primo felicissimo sui, ad hæc usque tempora,
exordio, Te præter, nominis huius Viri floruerunt, uel etiam
num florent; omnes ad unum & singuli, pietate cum primis
insignes, moribus graues, Virtutibus illustres, ingeniis magni,
doctrinâ & eruditione eximii; Ecclesiæ, Patriæ, Academiæ
defensores, auctores, ac promotores acerrimi, longè gentium,*

ad inuidiam maleuolorum usque, nunquam non audiebantur
fuisse, hodieque audiuntur. Quos inter, nomine & honore
illustres, & omni genere laudum ac virtutum nobiles Viros,
quis sum ego? aut quæ est in me facultas? equidem, dum
ipse in mentem meam introspectio, meamque tenuitatem,
omni cogitatione pertractans, ex me ipse percuntor, facile
deprehendo, me longissimè à tanti nominis abesse splendore
ac maiestate. Verumenimverò, cum ratione animoque con-
templor: quonam tandem modo, & quibus gradibus, cum ii,
quos præsentibus intuemur, tum superiori memoriâ Reipub.
nostræ Cives, ad tam arduum tamque difficile, Academia
decus, & excellentiam peruenerunt? omnes & singulos, vel
me tacente, una ore fateri exaudio: Tuo olim D. P. in De-
um, singulari amore; in Ecclesiam, incredibili ardore; in
Patriam, eximiâ pietate; in Diuum Iagellonem Academia
huius Parentem; non fucato & adumbrato candore: Tuo
denique, nominis in huius veros ac fideles cultores, maxi-
mo patrocínio & clientelâ, id sibi felicitatis obrigisse. Te-
statur Suadæ medulla Tullius: Socratem, oraculo Apollinis
sapientissimum, primum omnium Philosophiam celo deuo-
casse, inque Urbibus collocasse; hominesque còégisse, de vita
& moribus rectè instituendis cogitare. Dabis veniam
mibi D. P. Si Te paulò liberius, Sarmaticum & Academi-
cum Socratem appellauero. Tu enim, Ecclesiæ, Patriæ,
Academia, amore plenus semper cum esses: præsagiresque,
ut prudentissimus Philo-Theologus simul & Logista, non
sine

sine Diuino quodam numine; quæ & quanta olim imminerent sibi, voluentibus fatis, mala: & quod labentibus rebus Academicis; Sarmatarum Vniuersitatem labi sit necesse: primus omnium Academicorum, omnes nervos animi & ingenii eò intendisti; ut, primis, mediis, nouissimis Academiae & Reipublicæ, formidolosis etiam temporibus, prouideretur. Bis itaque Hierosolymam, Romam ter, non tam priuato; quam communi Reip: & Academiae bono, atque amore, inflammatus, adiisti: ibidemque ardentissimis precibus (Diuorum Iagellonum & Iagellonidarum semper memor) Vniuersum Sarmatiæ Regnum, & Academiam, cum suis Regibus, & Rectoribus, Deo commendasti: atque inde reuersus, exantlatis, in Statione & Professione plusquam ardua & difficili, tot laboribus, curis, vigiliis, inediis; omnes & singulos Academici nominis Ordines, de Ecclesia, Patria, & Academia optimè mereri docuisti: ita, ut solus ille Spartam Academicam fatis coluerit, qui Te fuerit imitatus. Sensit Tuæ istius peregrinationis ac Professionis pondus, & momentum, Ecclesia: quæ, ex Tuæ religionis & deuotionis instituto, aucta est; tot Antistitibus piissimis; tot mystis, honoris Diuini amantiis. Sensit Patria: quæ Tuâ Tuorumq; imitatorum disciplinâ; tot Viris, quâ togâ, quâ sago clarissimis, est illustrata: quorum consiliis & præclare gestis, quoad Res Polona stetit, usq; eò (ut experientia testis loquitur) pacatissimum & florentissimum Sarmatiæ Regnum fuit. Sensit Academia: quæ tot maleuolorum aculeis, contra ius fasque

omne, ne dicam impiis & sceleratis, pressa; stat tamen, etiam
egentissimis & turbulentissimis hisce temporibus inuicta!
& stabit æternum duratura. Sensi ad extremum vel egomet-
ipse: quoties in fidem, clientelam, & patrocinium contuli me
Tuum. Merito itaque in periculis imminentibus, vocitat Te
in auxilium Ecclesia. Merito, in tutelarem & Patro-
num, cum aliis, tum potissimum cum ad pauciores & incitas
redigitur Polonia. Merito in Rectorem, promotorem, &
gubernatorem perpetuum Academia. Merito & ego, impræ-
sentiarum, ad Te ô D. P. & Patrone colendissime! tanquam
ad Aram & sacram anchoram confugio. Cuius enim conuenien-
tius patrocinio, meum Accidens inesse? aut, cui ego firmitus
inherere possim, quam Tibi? ô Pater! Pater mi! currus
Israel & auriga noster! qui firmamentum & Regula no-
minis Academici, dono singularis providentiæ Diuinæ, nobis
natus, datusq; laboribus etiam Academicis, angoribusque
tentatus per omnia fuisti; quò nostris conatibus tantò liben-
tius faueres patronus. Faue igitur, iuua, protege nomen
Academiæ, intercede precibus; & ab omnibus aduersariorum
impetitionibus, ut Matrem Academiam, ita me Suum alu-
mnium, Tuumque D. P. clientem ac humile mancipium,
defende.

Ita Vouet & precatur

M. IACOBVS BALTAZAROWICZ,

C. G. S.

Q V Æ S T I O L O G I C A.

D E

ACCIDENTE COMMUNI, PRÆDICABILI.

V. Accidens Logicum triplici Definitione à Porphyrio explicatum: Essentialiter Vniuersale: & constitutum in esse Quinti Prædicabilis, per ordinem ad Subiecta, quæ accidentaliter denominat: differat à propria Passione nec ne?

CONCLUSIO I.

Accidens Logicum, triplici à Porphyrio
Definitione, rectè est explicatum.

COROLLARIA.

I.

Substratum Definitionis Accidentis sumitur, omne id, quod ad Essentiam rei, de qua prædicatio instituitur, non pertinet: idque siue sit Substantia, siue Accidens; siue ens reale, siue rationis.

II.

Particulæ, adesse & abesse, acceptæ secundo-intentionaliter, ad quintum Prædicabile pertinent.

III.

Subiectum Accidentis corporei, est totum compositum; non verò Materia sola.

IV.

*Quæ Accidentia habent causam permanentem in Subiecto, dicuntur Inseparabilia: quæ verò non
perma-*

*permanentem, Separabilia; separabilitas tamen vel in-
separabilitas, sumitur respectu Indiuiduorum.*

V.

*Attributa Priuatiua, Remota, & Propria,
excluduntur à quinto Prædicabili.*

CONCLUSIO II.

Accidens, prout est quantum Prædica-
bile, est Essentialiter Vniuersale.

COROLLARIA

I.

*Accidens quinti Prædicabilis, est accipiendum
secundo-intentionaliter, & pro attributo accidenta-
rio; quod neque est de essentia rei, neq₃ fluit ab illa.*

II.

*Accidens commune in Abstracto, est Vniuersale,
ut Quo: in Concreto Verò, ut Quod.*

III.

*Ad rationem veri Vniuersalis non requiritur, ut
essentialiter in suis inferioribus includatur.*

IV.

Respectus prior ad inferiora, quibus essentialiter; quàm ad inferiora, quibus accidentaliter conuenit: non tollit rationem Vniuersalitatis à quinto Prædicabili,

V.

Non destruitur Vniuersalitas quinti Prædicabilis, ex sola destructione existentiae Subiectorum.

CONCLUSIO III.

Accidens per ordinem ad Subiecta accidentaliter denominata, in esse quinti Prædicabilis constituitur.

COROLLARIA

I.

Abstractum, & Concretum Accidentis Communis, idem sunt, quoad rem significatam; sed quoad modum significandi, differunt.

II.

II.

Accidens, in habitudine ad inferiora essentialia, tantum habet rationem Generis vel Speciei; non verò accidentis.

III.

In prædicatione accidentali, non prædicatur ipsū nomen: sed res significata per nomen; denominatiue tamen.

IV.

Prædicata accidentalia, ut actu exerceant prædicationem affirmatiuam; requirunt tanquam conditionem, existentiam subiecti.

V.

Aliud est, quod secunda intentio, quinti Prædicabilis, faciat naturam accidentaliter prædicari de Subiectis: aliud, quod ipsa secunda intentio, sit accidentaliter Vniuersalitas.

CONCLUSIO Vltima.

Propria Passio, & Accidens Commune realiter differunt.

COROLLARIA

I.

Errant maxime, qui existimant: omnia Accidentia esse proprias passiones.

II.

Inter Accidentia quæ oriuntur à toto composito: alia oriuntur ab eo ratione Formæ: alia ratione Materiæ.

III.

Accidentia, quæ ratione Materiæ proueniunt; per Accidens se ad Speciem habent.

IV.

Proprium quarto modo sumptum; necessariam connexionem habet cum Principiis, à quibus dimanat.

V.

Accidentia Proprij, per prius conueniunt Speciei: mediante verò illâ, Indiuiduis.



1511.5.32



